



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

5 JUN 2022 (AHAD)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

5 JUN 2022 (AHAD)

KPDNHEP Pulau Pinang terima 155 aduan awam

Georgetown: Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang mengeluarkan kompaun berjumlah RM55,300 atas kesalahan di bawah Akta Kawalan Harga dan Antipencatutan 2011 bermula 1 Januari hingga kelmarin.

Ketua Pegawai Penguatkuasa KPDNHEP negeri, A Mogan berkata, pihaknya giat menjalankan peman-tauan dan pemeriksaan harga barangan dan tanda harga di sekitar Pulau Pinang memandangkan isu kenaikan harga barangan yang semakin menjadi perhatian.

"Melalui pemeriksaan yang dijalankan oleh seramai 82 penguat kuasa dalam tempoh 1 Januari lalu hingga semalam menghasilkan 187 kes.

"Ia membabitkan kesalahan di bawah perenggan 5, Perintah Kawalan Harga dan Antipencatutan (Penandaan Harga bagi Barangan dan Caj Perkhidmatan) 2020 iaitu sebanyak 125 kes, manakala kesalahan Perintah 2(2) Perintah Kawalan Harga dan Anti Pencatutan (Penandaan Harga Barangan Harga Terkawal) adalah sebanyak 62 kes.

"Oleh itu, kompaun sebanyak RM55,300 dikeluarkan bagi kesemua kesalahan berkenaan," katanya dalam satu kenyataan

di sini, semalam.

Menurutnya, dalam tempoh yang sama juga KPDNHEP negeri menerima 155 aduan daripada orang awam dan menjalankan 29,822 pemeriksaan bagi melakukan siasatan.

"Kita memohon kerjasama dari semua peniaga supaya mematuhi undang-undang yang telah ditetapkan dan sentiasa meletakkan tanda harga pada barangan serta tidak menaikkan harga sesuka hati.

"KPDNHEP tidak akan berkompromi dengan mana-mana pihak dan boleh dikenakan tindakan kompaun mengikut Akta Kawalan Harga dan Antipencatutan 2011.

"Pengguna juga dinasihatkan untuk membuat pilihan bijak sebelum membuat pembelian bagi mengelak diri dari terpedaya," katanya.



Melalui pemeriksaan yang dijalankan oleh seramai 82 penguat kuasa dalam tempoh 1 Januari lalu hingga semalam menghasilkan 187 kes"

A Mogan

Sindiket seleweng gas LPG tumpas

IPOH – Kementerian Perdagangan Dalam Negeri dan Hal Ehwal Pengguna (KPDNHEP) Perak menumpaskan satu sindiket penyelewengan gas petroleum cecair (LPG) bersubsidi dalam serbuan di Kawasan Perindustrian Silibin, di sini semalam.

Pengarahnya, Saifullizan Kamarul Zaman berkata, serbuan ke atas premis itu pada pukul 10.30 pagi.

Katanya, ia hasil risikan dan pemantauan pihaknya sejak dua minggu lalu.

"Serbuan terhadap premis itu dilakukan kerana disyaki menyimpan barang kawalan

berjadual iaitu LPG tanpa permit dan dokumen yang sah.

"Dalam serbuan itu, kita rampas sebanyak tujuh tong silinder LPG jenis C200 dengan anggaran berat 790 kilogram (kg).

"Selain itu, sebuah lori tangki LPG dengan anggaran berat 1,530kg turut dirampas.

"Nilai keseluruhan rampasan adalah RM17,549.06," katanya dalam kenyataan di sini semalam.

Menurutnya, kes itu disiasat di bawah Akta Kawalan Bekalan 1961 dan Peraturan-Peraturan Kawalan Bekalan 1974.



SEORANG pegawai KPDNHEP Perak memeriksa lori tangki yang dirampas dalam serbuan di sebuah premis di Ipoh semalam.